



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stimvlvs Compvnctionis, Et Soliloqvia

Juan <de Jesús María>

Coloniae, 1611

De exemplis contemptorum mundi. Cap. 7.

urn:nbn:de:hbz:466:1-45624

De exemplis contemptorum mundi.

CAP. VII.

Delectasti me Domine in factura tua,
 & in operibus manuum tuarum me-
 ditabor : in illis inquam operibus nouæ
 creaturæ tuæ , quam creasti in operibus
 bonis , ut sequens te minissimum præcep-
 torem suum, perseveranter ambularet in
 illis. Multa fecisti Domine mirabilia ni-
 mis , in quibus lucet altissima Sapientia
 tua: sed illa videntur dulciora, & amabili-
 ora, quæ operatus es in cordibus sexagin-
 ta fortium Israhel, qui fuerint ex fortissi-
 mis seruis tuis contemptoribus mundi,
 quos mors, & infernus timuerunt. Ex hoc
 numero fuit Alexius fidelissimus amicus
 tuus, qui despiciens Romanam nobilita-
 tem cum diuitijs , & voluptatibus noua
 mundum arte deludens, transiit per viæ
 vitæ tacitus , & incognitus hominibus,
 sed bene cognitus tibi , qui probas renes,
 & corda : & sic inuentus est mirabiliter
 scriptus in libro vitæ tuæ. Ad hunc etiam
 numerum pertinet Paulinus charissimus
 amicus tuus, qui vendidit se, ut redimeret
 proximum suum; sicut tu, Domine mis-
 ricor-

ricordissime, tradidisti te, ut saluum facies populum acquisitionis tuae. Propterea Paulinus, quamuis occultauit se, ut calcret gloriam mundi, reuelatus est a te, qui superbos humilias, & pauperulos a terra suscitas. Huius numeri fuit Martinus Tironensis, qui totis visceribus dilexit te, & contra leges mundi, scidit chlamidem suam, ut tegeret te, qui in persona pauperum mendicare soles, quamvis sis diues super omnes reges yniuersae terrae. Et ideo sic placuit tibi contemptus mundi in Martino seruo tuo, ut diceres: Martinus hac me veste contexit. In numero isto, Domine, possem numerare multa millia seruorum tuorum; qui exemplo tuo reliquerunt omnia, & in spiritu humilitatis famulati sunt tibi, nihil curantes quid mundus sentiret! Propter quod senserunt illi virtutem & misericordiam tuam magnam, quam ego quoque sentire vellem. Fiat ergo, mansuetissime Domine, misericordia tua super me seruum tuum, ut fiam de numero illorum, qui mundum vicerunt, & abscondierunt thesauros suos in caelo, festinantes ad amplissimam mercedem suam. Et sacrificabo tibi primogenitum amorem in ara cordis mei, quod inflammetur, oro, igne purissimi Spiritus tui.

De